



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MCDLXXXVIII. Die Stadt Wittstock und der Bischof von Havelberg liquidiren
ihre von 1418 bis 1423 durch die Mecklenburg-Stargarder erlittenen
Schäden.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

Anno XX. Item des mandaghes na Inuocait, genant kopsalichmandach, hertoghen Johan vnd hertoghen Albrecht etc. mit eres sulues liues mit groter schar hebben vns afghebrant de grote desser kerken kerktoorn vnd alle ghebuwe, dat dar was, nientes vtghenomen vnd dar to de dorpere jabel, glineke, Tzatzik, papenbruk, langheuelte alle vorbrant vnd dat halue dorp Crichtorp de ander helste mit deme gantzen dorpe koningelberghe vordinghet vppe XL sexag. boh. XX verndel bers vnd VIII wispel hauerer vnd dar to ghenamen an queke vnd an gherede, wes de armen lude hadden: dar vmme wy vnser renthen vnd pachte alfus langhe entvoren hebben vnd muten in langhen tokamenden tyden vntveren: den schaden wy achten vppe veer vnde twintich hondert schok boh. gr. funder dinghenissen. Item des mandaghes na Sunte Peters daghe vorbranden de van deme hagen dat dorp besem, kerken, kerktoorn, wedemen vnd allent wes dar ghebuwet was, den schaden wy achten vppe II schok boh. Item des donredaghes dorneghest hinrik vnd Reymer van pleffen nemen vns vor wistok an perden vnd koyen so gut also XL schok boh. Item des suluen auendes quemen se wedder vnd nemen koye so gut also XX schok fluchtich to deme hagen vnd vort to lubetze vnd Mernitz. Item in der elf dusent meghede daghe De van der Mernitz venghen heyne arndes vnd nemen em II peerde, den schaden finer schattinghe vnd peerde wy achten vppe XX boh. schok, to der mernitz. Item an Sunte Nicolai auende Reymer van pleffen vnd der Priggenitzen knechte nemen vnser dener klotzen vor wistok eyn reylich peerd van X schokken. Item des donredaghes in deme vastenlauende Reymer van pleffen vorbrande eyn huf to dem besem vnd puchede dat dorp vnd floch enen man dot, den schaden wy achten vppe LXXX schok boh. ane den doden, dar wy bute vor eschen, to der mernitz. Item des dinghedaghes na trinitatis kleynedinst grep ropenacken, vnser knecht, vnd nam em eyn perd so gut also X sexag. vnd deden dat fluchtich to der mernitz binnen freden, des wy schaden hebben vppe XXIII schok boh. Item des Sonauendes vor Martini Nam vns Reymer van pleffen vor kramptze eyn reylich perd so gut also X gr. boh. Item in Sunte Siluesters daghe Nam vns Reymer van pleffen vor leppin I sexag. koye, so gut also XXIV schok, van der mernitz af vnd to. Summe XXIX sexag. boh. minus IV sexag.

Anno XXII. Item des donredaghes Na Laurenty De stralendorpe van Criuetze, de Pleffen van lubetz vnd Claws ror van Sibbule nemen vor der doffe dusent schap vnd II sexag. koye so gut also C sexag. et XC sexag. gr. boh. vnd schoten vnser sulter sone hans tzyker dot vor wistok, dar wy vor eschen wandel vnd bute, vnd nemen vns III reyfighe peerde, so gut also XXIV schok boh. etc.

Nach der Urchrift, welche am Schlusse unvollständig ist.

MCDLXXXVIII. Die Stadt Wittstock und der Bischof von Havelberg liquidiren ihre von 1418 bis 1423 durch die Mecklenburg-Stargarder erlittenen Schäden.

Dyt synt de schaden, de der stat wistok ghescheen synt ute deme lande Stargharde vnd Robel. Na gades bord etc. in deme Achteynden jare Claws vnd hennigh

Sauptsh. I, Bd. IV.

van Oftheren, hinrik veltberch myt erer felfchop, Also see bofel ghevanghen hadde, dar na des donredaghes vor Nicolai grepen sie up der daber vyff borgher vnd veer knechte, den see aff schatteden softich schok, so gud also LXX schok bemescher groschen. Item de fuluen grepen eyenen stadknecht van wistok by dem Czechelin vnde nemen em eyn perd, Also gud also XL mark lub. den knecht halp vnse here de marggreue los, dat perd bleif na. Item in deme XIX jare Clawes vnd hennigh van Oftheren, hinrik veltberch, hennigh parffow myt eren hulperen hadden ghenamen vor der doffe: vnse frunt volgheden wente vor der halenbeke, dar slughen see eyenen borgher doet vnde nemen den borgheren IV perde so gud also XIII schok bemesch. Item an deme fuluen jare hans vnde Eggert warborghe, hinrik telke de nemen der blokkeschen vnde Ghantekoytchen IV perde in deme groper holte, so gud also XVI mark lub. dat dede see to myrow in vnde ut. Item in deme fuluen jare Eggert warberch, peter wegheners sone van Mirow nemen Arnd schulten by der daberghewefchen molne III perde so gud Also IV schok bemescher gr. vnde vorden de to Mirow in. Item in deme fuluen jare Enghelke manduel, Ebel treskow, Clawes scheybe nemen XXXII perde by deme vorde to haffelow, so gud also LXX schok boh. gr., de see vluchtghes vorden in dat land to Robel vnde eyghendum to Myrow. Item in deme fuluen jare Clawes schutte vnde Ebelink grepen tile vermanne in deme hoppedunghe vnd nemen em II perde vnd gherede so gud also VI schok boh. gr. vnde boschatteden ene up deme werder vor vorsttenberghe up V schok boh. g. vnde worden alle daghe van den Oftheren vnde veltberghen ghespifet dar see van van tilen ber vmme nemen, dat en tile up ere slot lande. Item in deme XXII jare hennigh vnde Clawes van Oftheren, hinrich veltberch, hennigh parfow, lubberstorp myt erer felfchopp nemen vor wyfstock des vridaghes na des hilghen lichames daghe XXXIII perde also gud also LXX schok boh. gr. vnde grepen VII manne, de see boschatteden to Blumenhaghen, Arnberghe vnde vorsttenberghe upp LX schok boh. gr. vnd nemen dene fulues vor wistok Anderhalff kuyge so gud also LX gr. Item hans van Redikstorp vnde hermen moltzanes knechte, peder etc. in deme fuluen jare slughen twe borgher dot van wistok by deme dorpe doffe vnde nemen em VII perde, Also gud also XIV schok boh. gr., vnde vorden de in dat lant to Stargard des ersten nachtes to walow des Anderen to wesenberghe in. Item in deme XXIII Jare Tyllatz notelke vnde mer her hans priggenitzen knechte nemen hermen breder vnde Clawes marggreuen XIV perde so gud also XXX schok boh. gross. de vorden see to den vynken. Item Clawes wulff vnd syne knechte slughen clawes werkmester vor den berenwinkel dot vnde nemen em eyn perd so gud also XX lub. mark vnde an reden pennighen XVIII mark lub. Summa CCCC schok boh. gr. XXIV schok vnde V manne dot gheslaghen, dar se wandel vnd bute vor eschen to rechte.

Desse nafscreuen schaden synt ghescheen deme Bisschoppe to havelberghe, sinen vnderlaten vnd sineme lande van den Stargarderern vnd Robelerer vt den landen Stargarde vnd Robel vnd dar wedder in bynnen der heren frede. Tho deme ersten dy Oftheren vnde dy kratze myt eren knechten hebben gherouet vor deme Tzechelin

VII offen, VI koye, II ryndere, III plughperde, XX zwyn vnde VIII tchap: desse schade ys geachtet vppe XLV beh. schok groffen. Item dy fuluen Ofthern vnde kratz hebben ghevanghen vor der vere tu Bellin III menne vnde hebben dy boschattet vppe XVI beh. schok vnde nemen en XIV perde vnde alzodane gherede vnde ghelt, alze fy by sik hadden: desse schade ys gheachtet vppe LX boh. schok. Item heynatz der ofthern knecht myt eren hulperen nemen to karwese van deme kerckhaue III perde so gut alze IX schok. Item dy fulue heynatz myt syner selchop nemen eyne manne by ghermendorpe III perde zo gut alze IX schok vnde howen em myt vorlate dy hende aff, dar wy vor eschen wandel vnd bute. Item dy Ofthern vorbonomet hebben ghebrant tu der babytz eyn hoff aff, tu groten haffelow III haue vnde dy schunen vul kornes vnde vordynghet vnde dy kerke tu lutterow aff ghebrant vnde ghenamen XI perde X offen IV wiltnetie, den schaden wy achten vppe CC schok. Item hebben dy Ofthern ghenamen vor der groten doffe tu twey tiden XXVIII perde vnde XXI koye, den schaden wy achten vppe LXXX schok boh. Item dy fuluen Ofthern hebben ghenamen vor deme tzechelyne III perde so gut alze IX schok bohem. Item dy fuluen Ofthern nemen vor deme tzechelin VII reyseghe perde vnde venghen VI vanghen vnde nemen den ere harnsch: dy vanghen worden los ghegedehdynghet van vnseme hern deme Markgreuen tu euerswolde, dy perde vnde harnsch bleuen na: den schaden wy achten vppe C schok. Item des fuluen daghes nemen dy fuluen Ofthern vor deme tzechelin IV offen vnde I plugperd so gut alze IX schok, Item nemen dy fuluen Ofthern vor wiftok hermen bredere IV perde so gut alze XV schok. Summa V^c sexag. vnde XXXVI boh. schok.

Anno XVIII. vlik lubberstorp des fundaghes tu exurge myt syner selchop branden tu bellyn dat tolhus vnde stotten dy wedeme vnde spikere vppe deme kerckhaue vnde nemen wes darynne was vnde leydeden diffliker wyse den perre dar fulues in eyneme sele, den schaden vnd hoen wy achten vppe C. schok boh. Item des sunnauendes tu juttet (sic) Eggert warborgh, hinrik teskens, krubbeke vnde ere selchopp hebben namen vor wiftok VII perde so gut alze XIII schok, tu myrow vt vnde yn. Item mandaghes na judica Eggert warborgh, hinrik teskens, hinrik smed, frybergh, claw Streuingh hebben namen vor deme tzechelyn II perde so gut alze V schok. Item des mandaghes dar na nam vlik lubberstorp vor deme tzechelin IV offen so gut alze VIII schok vnde deden dat tu wezenberghe vt vnde jn. Item des mandaghes na deme Achten daghe des hilghen lichammes daghe Crubbeke, dy manduuele etc. nemen II perde vor deme tzechelin so gut alze V schok. Item des mandaghes vor sunte Johan baptisten daghe vlik lubberstorp, ebel manduuel etc. don sy nemen dat quek vor haffelow, dat em dy bure wedder nemen, schoten sy den bure III perde dot, so gut alze VI schok vnde I reylich pert so gut alze X schok. Item in sunte Pauels daghe neghelt sunte peters daghe henningh von pleffen, helmold etc. nemea vor deme tzatzeke II perde so gut alze VII schok vnde floghen II bur dot vnde voreden eynen ghevanghen tu lubitze. Item jn Sunte lambertus daghe vlik lubberstorp, werner van holtzendorpe etc. myt eren kumpanen brande aff dat gantze dorp tu deme tzecheline vnde dy spiker vppe deme

kerkhauē vnd ſchadeden vns vnde den vnſen dar mede Andehalf hundert ſchok vnde deden dat tu arnſberghe vluchtigh aff vnde tu etc. Item des mandaghes na martini vlrīk lubberſtorp, henning perſow, Ebel treſkow, Achym van dewitze etc. Nemen vns vor dem dorperen babitze vnde haſſelow zwyne, ryntquek, ſchap vnde tzeghen, alzo gut alze LX ſchok boh. Item dy ſuluen des ſuluen daghes branden vnſe molne tu deme tzechelyne vnd III houē tu haſſelow vnd II tu harſtorpe, den ſchaden wy achten vppe LX ſchok. Summa CCCC vnd XXII ſexag. boh. dar bauen dy veie vor dy doden. Anno XIX des dyngſtedaghes na Aghate Eggert warborgh, henningh Schutte etc. nemen vor wiſtok II perde vnſen buren van haſſelow ſo gut alze IV ſchok. Item des dunredaghes na letare Eggert warborgh, henningh Schutte myt eren hulperen nemen vor lutteken haſſelow IV oſſen ſo gut alze VIII ſchok. Deſſe twygherleye ſchicht ys gheſchen tu myrow vt vnde yn dat lant tu ſtargharde. Item des mandaghes na Judica Egghert warborgh, henningh ſchutte, clawes ſtreuingh myt eren kumpanen nemen vor wiſtok vnſeme hauegheſinde X fadelde perde ſo gut alze LXXX ſchok vnde V burperde, ſo gut alze X ſchok vnde venghen vnſer dyner III wydoghen, hildebrande vnde lokſteden, der terynghe vnde ſchattinghe vns quam vppe L ſchok boh. dat deden ſy vluchtigh tu Myrow jn dat lant tu ſtargarde vt vnde jn. Item des vrigdaghes na judica ludeke beſewede myt ſynen kumpanen nemen tu wlueſtorpe deme ſchulten II oſſen, ſo gut alze IV ſchok, dat ſchach vluchtigh in det lant tu robelle. Item na guden dunredaghe nemen dy van deme vinken IV oſſen vor wernekow ſo gut alze VIII ſchok. Item des frigidaghes in deme pingheſten henningh vnde hinrik ſchutte nemen vor deme tzechelin vnſe wagenperde II ſo gut alze VI ſchok. Item des erſten mandaghes na pingheſten nemen dy robelere, alze her hans prignitze, gherke boltzan vnde etlike borgher vt robele vor deme tzechelin koye, zwin, ſchap, tzeghen vnde perde, ſo gut alze XL ſchok boh. Item des mandaghes vor petri gherke boltzan vnde dy borgher en del van robel etc. vorbranden dat dorp papenbrok, alze der hern dagh waret tu wiſtok vnde ſchadeden vns des daghes vppe CC ſchok boh., dat deden ſy in dat lant tu robel. Item des frigidaghes na petri her hans prignitze, gherke boltzan, dy voſſe, dy molteken, dy oldenborghe, dy ſcherne vnde dy borgher van robel tu vote vnd tu perde nemen dy koye to jabel vnde dreuen dy wegh: vppe der reyſe alze wy volgheden myt vnſen dynern vnde borghern grepen ſy vns aff hans boſele, teltzekowen, hans van retſtorpen vnde dar tu ſo vele, alze X ghewapent. Dar mede wern des ganſes knechte van putleſt vppe vnſe ſchaden ſtand, des wy ſchaden nemen vppe den dagh an harnſche, perden vnde vanghen ſo gut alze XVI hundert boh. ſchok. Dyt ſchach vluchtigh tu deme hagen, tu deme vinken vnde jn dat lant to Robel. Item des frigidaghes na pantaleonis dy wlueken vnde kowlitze nemen vor der wilſnak II perde ſo gut alze VI ſchok. Item jn Sunte Peters daghe ad vincula clawes ſcheybe, byrbuk, blaſe vnd vaghelrit nemen deme proueſte tu wiſtok II perde ſo gut alzo XIII ſchok vnde I verdink. Item in ſunte Bartolomeus daghe nemen Eggert warborgh, claw ſcheybe myt eren hulpern vor wernekow X perde vt vnſen waghene ſo gut alze L ſchok boh.

Item des Dynstedaghes na feuri her hans vnd daniel Prignitze, gherke boltzan, tideke frigbergh, buban vlotow vnde dy borgher van robel nemen vns vor der doffe II schok koye vnde vor wiftok vnser eghenen schap VI^e. vnde vnfen borghern M. dy koye so gut alze LXX schok, vnse schap so gut alze LX schok, der borgher schap alze C schok: dyt deden sy fluchtigh in dat lant tu robel. Item des dynstedaghe nachtes na alle gadelhilghen ghercke boltzan, danneil prignitze etc. pucheden vnse dorp tzalentin den schaden wy achten vppe hondert schok behem. Summa II M. sex. III^e schok boh gr. IX sexag. vnde I ferton.

Anno XX^o des sunauendes na Agnetes dy van robel vnde vinken vnde wredenhaghen vorbranden groten haffelow, dat noch wuste ys: den schaden wy achten vppe CC schok boh. Item in kopfalighen mandaghe dy van den vinken nemen vor wernekow IV offen, so gut alze VIII schok bohm. Item des sunauendes vor Johannis baptisten gherke boltzan, alze hy van der hern dagbe togh von wiftok, nam hy vor wernekow II perde, so gut alze IV schok vnde flogh eyn man dot. Item des Sundaghes dar na venk ghereke boltzan den schulten van groten haffelow etc. —

Item des sunabendes na martini Curd plote, gherke Boltzan knecht nemen vns vor lutterow II perde so gut alze IX schok vnde venghen vnfen waghcn knecht. Summa VII^e. sexag. gr. boh. vnde LXXXXV sex. boh.

Anno XXI des sunauendes vor jnuocaut Scheybe etc. gherke boltzanes vnde der prignitzen knechte nemen vor glyneke I perd so gut alze II schok. Item des dinstedaghes na Quafimodogeniti Otto morines knechte vnd scheybe etc. nemen vor lutteken haffelow IV offen III perde so gut alze XIII schok beh. vnd floghen II mannes dot, dyt deden sy fluchtigh in Otto moryns hoff. Item des dynstedaghes na gades hemmeluart dy robeler venghen vnse tymmerlude vnde neme en ere gherede, dy schade vns quam vppe X schok: dyt schach vluchtich to robel jn. Item des fridaghes vor laurentii nemen Eggert warborgh, fule merten vnde dy borgher van Arnberghe vnde vlrík lubberstorpes knechte vor deme tzechelin alle koye, offen, perde, swyne vor deme selote so gut alze XX schok boh. vnde venghen vns aff VII knechte, dy sy boschatteden, des wy hebben schaden vppe L schok vnde floghen dot eynen knecht. Ok nemen sy vns X schap vnd C so gut alze XII schok boh. Summa C sexag. et VII sexag. gr. boh.

Anno XXII des dynstedaghes na Exaudi henning veltbergh, henningh perfow, henningh van ofthern, dy warborghe Engelke vnde rygbrecht vnde mer der Stargarder nemen vor der doffe al dat quek an koyen, schapen, swynen etc. dat dar was, so gut also hondert schok boh. Des myddewekens dar na vlrík lubberstorp myt den Arnberfschen nemen vor deme tzecheline IV perde vnde VI koge so gut alze XIV schok boh. Summa C sexag. et XIV sexag. gr. boh. Summa summarum IV^m. V^e et LX sexag. gr. boh. et I fert. Ultra istam summa civium in wiftok IV^e et XXIV sexag.

Nach einer gegen das Ende lückenhaften gleichzeitigen Abschrift.